

Krivična prijava protiv vlasnika portala InfoBrčko.com

Subota, 02 April 2016 14:30 Autor **EBrcko** Kategorija: Vijesti Brčko



Evropski univerzitet u Brčkom podnio je krivične prijave protiv Seada Šadića i Semira Ibrahimovića, vlasnika portala InfoBrčko.com zbog toga što su, kako je navedeno u prijavi, u periodu od februara do mart 2016. godine, objavili seriju tekstova neistinite sadržine kojima se narušava ugled Evropskom univerzitetu, a sve s ciljem da se Evropski univerzitet prisili da se, uz plaćanje nadoknade, reklamira na tom portalu.



Broj: 236-1/2016
Datum: 1.4.2016.

TUŽILAŠTVO BRČKO DISTRIKTA BIH

BRČKO

POLICIJA BRČKO DISTRIKTA BIH

BRČKO

Na osnovu člana 215. Zakona o krivičnom postupku, podnosimo

KRIVIČNU PRIJAVU

protiv:

1. **Seada Šadića**, suvlasnika portala Infobrčko.com, sa sjedištem u Brčkom u ulici Bulevar mira 3A, i
2. **Semira Ibrahimovića**, suvlasnika portala Infobrčko.com, sa sjedištem u Brčkom u ulici Bulevar mira 3A,

zbog toga

što su u periodu februar – april 2016. godine na portalu Infobrčko.com, sa sjedištem u Brčkom u ulici Bulevar mira 3A objavili seriju tekstova neistinite sadržine kojima se narušava ugled Evropskom univerzitetu, a sve s ciljem da se Evropski univerzitet prisili da se, uz plaćanje naknade, reklamira na tom portalu, čime su izvršili krivično djelo iz člana 289 stav 1 Krivičnog zakona Brčko distrikta, ili krivično djelo ucjene iz člana 290 stav 1 istog zakona.

Obrazloženje

Portal Infobrčko.com, sa sjedištem u Brčkom u ulici Bulevar mira 3A do marta mjeseca 2015. godini objavljivao je tekstove u kojima je Evropski univerzitet prikazivan negativno. U martu mjesecu 2015. godine predsjednik Upravnog odbora Evropskog univerziteta prof. dr Nedeljko Stanković organizovao je sastanak sa Seadom Šadićem, koji mu se predstavio kao vlasnik portala. Sastanak je održan u kancelariji profesora Stankovića u zgradi Univerziteta u ulici Bjeljinska cesta 72-74, u prisustvu i drugih lica. Na tom sastanku Šadić i Stanković su se

dogovorili da portal više ne piše neistine o Evropskom univerzitetu, a da će se Univerzitet reklamirati na portalu narednih godinu dana. Po postizanju ovog dogovora Šadić je istog momenta pozvao telefonom neko lice, koje je odmah skinulo sa portala tekst koji je bio usmjeren protiv Univerziteta. Univerzitet je na ime realizacije dogovorenog dana 14.3.2015. godine sa svog poslovnog računa prenio na poslovni račun portala novčani iznos od 1.000,00 KM.

Dokaz: - Kopija izvoda Nove banke broj 61 o promjenama sredstava na računu Evropskog univerziteta za dan 14.3.2015. godine, i
- Kopija računa Infobrčko broj 5/15.

Portal nije objavljivao neistinite tekstove o Univerzitetu sve do februara mjeseca 2016. godine, kad je istekao period za koji je postignut dogovor o reklamiranju, a onda je otpočela serija neistinitih napisa. Najprije je 17. 2. 2016. godine objavljen tekst pod naslovom: **CIP BiH: Diplome sa fakulteta bez licence nisu priznate**. Uz ovaj napis priložen je akt bez broja i datuma, kao i bez naznake adresata, za koji se u tekstu tvrdi da ga je sačinio Centar za informisanje i priznavanje dokumenata iz oblasti visokog obrazovanja (CIP). Povodom ovog napisa uputili smo dopis portalu broj 122-1/2016 od 19.2.2016. godine, u kome smo ukazali da se radi o neistinitim navodima koji nam nanose štetu i tražili da nam portal dostavi kompletan akt na koji se poziva. U dopisu smo naveli i da ćemo protiv odgovornog lica podnijeti krivičnu prijavu i podnijeti tužbu za naknadu štete. Umjesto da nam dostavi traženi akt, portal nam je uputio dopis od 23.02.2016. godine u kome nam je održao predavanje o lijepom ponašanju.

Dokaz: - Kopija teksta pod naslovom **CIP BiH: Diplome sa fakulteta bez licence nisu priznate**, koji je objavljen 17. 2. 2016. godine na portalu Infobrčko.com;
- Kopija dopisa Evropskog univerziteta broj 122-1/2016 od 19.2.2016. godine, koji je upućen portalu Infobrčko.com, i
- Kopija odgovora portala Infobrčko.com od 23.02.2016. godine.

Portal je dana 26.2.2016. godine objavio drugi tekst pod naslovom **Internacional Accreditation Organizacion (IAO) je lažna akreditacijska kuća koja akreditira po BiH**. Cilj objavljivanja ovog teksta je da se prikaže da je međunarodna akreditacija Evropskog univerziteta lažna.

Dokaz: - Kopija teksta pod naslovom **Internacional Accreditation Organizacion (IAO) je lažna akreditacijska kuća koja akreditira po BiH**, koji je objavljen 26.2 2016. godine na portalu Infobrčko.com.

Potom je portal dana 28.2.2016. godine objavio tekst pod naslovom **Objavljujemo: rješenje o zabrani rada Univerziteta i presudu Apelacionog suda**. U prilogu ovog teksta objavljeno je cijelo rješenje Odjeljenja za obrazovanje u Vladi Brčko distrikta broj predmeta 37-000056/14, broj akta 1003MP-001/14 od 23.1.2014. godine, kojim je Odjeljenje bilo nezakonito oduzelo dozvolu za rad (licencu) Evropskom univerzitetu, koje ima 33 strane. U momentu kada je rješenje objavljeno bilo je već poništeno presudom Apelacionog suda Brčko distrikta broj 96 0 U 074737 15 Už 2 od 17.9.2015. godinine. Pošto ovo rješenje obiluje neistinitim podacima na štetu Evropskog univerziteta i njegovih zaposlenih, jasno je da je cilj prijavljenog bio da naruši ugled Univerziteta.

Dokaz: - Kopija teksta pod naslovom **Objavljujemo: rješenje o zabrani rada Univerziteta i presudu Apelacionog suda**, koji je objavljen 28.2 2016. godine na portalu Infobrčko.com.

Dana 1.3.2016. godine portal je objavio tekst pod naslovom *Objavljujemo: citati iz rješenja o zabrani rada Evropskog univerziteta*. Prijavljeni rješenje Odjeljenja za obrazovanje u Vladi Brčko distrikta broj predmeta 37-000056/14, broj akta 1003MP-001/14 od 23.1.2014. godine u uvodnom dijelu svog teksta nazivaju "spornim", iako ono tada više nije bilo sporno, jer su prijavljeni znali da je to rješenje pet i po mjeseci prije toga pravosnažno poništio Apelacioni sud. Prijavljeni su citirali izvode iz poništenog rješenja u kojima se najviše navode neistine o Evropskom univerzitetu i njegovim zaposlenima, na osnovu čega se jasno zaključuje šta je cilj prijavljenih, pogotovo što su dva dana prije toga objavili sadržinu cijelog rješenja.

Dokaz: - Kopija teksta pod naslovom *Objavljujemo: citati iz rješenja o zabrani rada Evropskog univerziteta*, koji je objavljen 1.3.2016. godine na portalu Infobrčko.com.

U cilju održavanja kontinuiteta u vršenju pritiska na Evropski univerzitet, portal je dana 30.3.2016. godine objavio tekst pod naslovom *Brčko: studenti dobijali diplome prije nego što je fakultet osnovan*. U ovom tekstu prijavljeni oživljava priču koja je bila plasirana u listu Blic u broju od 22.4.2015. godine, a koju su narednih dana preuzeli i drugi listovi. Mi smo aktom broj 269-1/2015 od 22.4.2015. godine zatražili da Blic objavi naš odgovor. Takav dopis uputili smo i ostalim listovima. Svi listovi su objavili naš odgovor. U odgovoru smo naznačili da je u pitanju tehnička greška, jer Evropski univerzitet nije dobio dozvolu za rad 2012, već 2011. godine. Sve je ovo prijavljenima poznato, ali oni ipak "vade iz naftalina" priču koja je "ofucana", jer je stara godinu dana. Jasno je da oni to čine da bi održavali kontinuitet u vršenju pritiska na Evropski univerzitet.

Dokaz: - Kopija teksta pod naslovom *Brčko: student dobijali diplome prije nego što je fakultet osnovan*, koji je objavljen 30.3.2016. godine na portalu Infobrčko.com;

- Kopija teksta *Završio fakultet pre nego što je osnovan*, koji je objavljen na 31. strani u dnevnom listu Blic u broju od 22.4.2016. godine, i

- Kopija zahtjeva za objavljivanje odgovora broj 269-1/2015 od 22.4.2015. godine, koji je Evropski univerzitet uputio dnevnom listu Blic.

Dana 1.4.2016. godine prijavljeni su na portalu objavili tekst pod naslovom *Izdate licence lokalnim univerzitetima na području Distrikta*. U ovom tekstu se na neprimjeren način tjera sprdnja sa licencama univerziteta u Brčkom, gdje spada i Evropski univerzitet. Prijavljeni su zloupotrijebili lik djeteta da bi ismijavali univerzitete u Brčkom. Tekst nije praćen konstatacijom da se radi o prvoaprilskoj šali. Na portalu je tek u popodnevnom satima objavljen tekst pod naslovom *Prvoaprilska vijest o izdavanju licenci za rad univerzitetima u Brčkom izazvala pažnju*, u kome je navedeno da se radi o prvoaprilskoj šali, i da je prethodni tekst pregledalo nekoliko hiljada lica. Na ovaj način prijavljeni su svoj postupak, kojim su nanijeli štetu Evropskom univerzitetu i njegovim studentima, sprdajući se s njima, neuspješno pokušali da zaodjenu plaštom neukusnog humora.

Dokaz: - Kopija teksta pod naslovom *Izdate licence lokalnim univerzitetima na području Distrikta*, koji je objavljen 1.4.2016. godine na portalu Infobrčko.com;

- Kopija teksta pod naslovom *Prvoaprilska vijest o izdavanju licenci za rad univerzitetima u Brčkom izazvala pažnju*, koji je objavljen u popodnevnom satima 1.4.2016. godine na portalu Infobrčko.com;

Prijavljeni Šadić je funkcioner u Vladi Brčko distrikta. Obavlja poslove savjetnika gradonačelnika za obrazovanje. Vjerovatno se za obavljanje te funkcije preporučio time što je studirao oko deset godina. Pošto je bio neuspješan student na Ekonomskom fakultetu u Brčkom, prešao je na Univerzitet Sinergija u Bijeljini, gdje je stekao zvanje diplomiranog ekonomiste tek 14.7.2014. godine. Potom je po ubrzanom postupku magistrirao na

Univerzitetu Sinergija. Zanimljivo je da Šadić na portalu Infobrčko drži logo Univerziteta Sinergija. Možda i ova činjenica nešto govori. Kao što se vidi, prijavljenom Šadiću ne smeta privatni univerzitet iz Bijeljine, ali mu smetaju privatni univerziteti iz Brčkog.

Analizom sadržine svih navedenih tekstova, a imajući u vidu njihov kontinuitet, jasno proističe da prijavljeni imaju namjeru da objavljuju tekstove neistinite sadržine kojima se narušava ugled Evropskom univerzitetu s ciljem da se Evropski univerzitet prisili da se i dalje reklamira na njihovom portalu uz naknadu. Objavljivanjem serije tekstova, prijavljeni očekuju da ih neko sa Univerziteta, kao i prošle godine, pozove i da im ponudi novac za reklamu. Ovo je jedan perfidan oblik reketiranja. U pitanju je veoma težak oblik kriminalne aktivnosti, imajući u vidu da se u cilju reketiranja koristi sredstvo informisanja.

Pošto su se u radnjama prijavljenih stekli svi elementi krivičnog djela iznude iz člana 289 stav 1 Krivičnog zakona Brčko distrikta, ili krivičnog djela ucjene iz člana 290 stav 1 istog zakona, predlažemo da preduzmete mjere iz vaše nadležnosti kako bi prijavljeni bili oglašeni krivim i kažnjeni za izvršeno krivično djelo.

PRILOG:

1) Kopija izvoda Nove banke broj 61 o promjenama sredstava na računu Evropskog univerziteta za dan 14.3.2015. godine;

2) Kopija računa Infobrčko broj 5.

3) Kopija teksta pod naslovom *CIP BiH: Diplome sa fakulteta bez licence nisu priznate*, koji je objavljen 17. 2. 2016. godine na portalu Infobrčko.com;

4) Kopija dopisa Evropskog univerziteta broj 122-1/2016 od 19.2.2016. godine, koji je upućen portalu Infobrčko.com;

5) Kopija odgovora portala Infobrčko.com od 23.02.2016. godine;

6) Kopija teksta pod naslovom *Internacional Accreditation Organizacion (IAO) je lažna akreditacijska kuća koja akreditira po BiH*, koji je objavljen 26.2 2016. godine na portalu Infobrčko.com;

7) Kopija teksta pod naslovom *Objavljujemo: rješenje o zabrani rada Univerziteta i presudu Apelacionog suda*, koji je objavljen 28.2 2016. godine na portalu Infobrčko.com.

8) Kopija teksta pod naslovom *Objavljujemo: citati iz rješenja o zabrani rada Evropskog univerziteta*, koji je objavljen 1.3.2016. godine na portalu Infobrčko.com.

9) Kopija teksta pod naslovom *Brčko: student dobijali diplome prije nego što je fakultet osnovan*, koji je objavljen 30.3.2016. godine na portalu Infobrčko.com;

10) Kopija teksta *Završio fakultet pre nego što je osnovan*, koji je objavljen na 31. strani u dnevnom listu Blic u broju od 22.4.2016. godine, i

11) Kopija zahtjeva za objavljivanje odgovora broj 269-1/2015 od 22.4.2015. godine, koji je Evropski univerzitet uputio dnevnom listu Blic.

12) Kopija teksta pod naslovom *Izdate licence lokalnim univerzitetima na području Distrikta*, koji je objavljen 1.4.2016. godine na portalu Infobrčko.com, i

13) Kopija teksta pod naslovom *Prvoaprilska vijest o izdavanju licenci za rad univerzitetima u Brčkom izazvala pažnju*, koji je objavljen u popodnevnim satima 1.4.2016. godine na portalu Infobrčko.com.

S poštovanjem,



REKTOR
Prof. dr. Mirko Kulić

4